

# বাংলাদেশ



# গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বৃহস্পতিবার, মে ২, ২০১৩

## বাংলাদেশ জাতীয় সংসদ

ঢাকা, ০২ মে, ২০১৩/১৯ বৈশাখ, ১৪২০

সংসদ কর্তৃক গৃহীত নিম্নলিখিত আইনটি ০২ মে, ২০১৩(১৯ বৈশাখ, ১৪২০) তারিখে  
রাষ্ট্রপতির সমতি লাভ করিয়াছে এবং এতদ্বারা এই আইনটি সর্বসাধারণের অবগতির জন্য প্রকাশ করা  
যাইতেছে :—

### ২০১৩ সনের ১৬ নং আইন

**ধূমপান ও তামাকজাত দ্রব্য ব্যবহার (নিয়ন্ত্রণ) আইন, ২০০৫ এর সংশোধনকল্পে প্রণীত আইন**

যেহেতু নিম্নবর্ণিত উদ্দেশ্যসমূহ পূরণকল্পে, ধূমপান ও তামাকজাত দ্রব্য ব্যবহার (নিয়ন্ত্রণ)  
আইন, ২০০৫ (২০০৫ সনের ১১ নং আইন) এর সংশোধন সমীচীন ও প্রয়োজনীয়;

সেহেতু এতদ্বারা নিম্নরূপ আইন করা হইল :—

১। **সংক্ষিপ্ত শিরোনাম ও প্রবর্তন।**—(১) এই আইন ধূমপান ও তামাকজাত দ্রব্য ব্যবহার  
(নিয়ন্ত্রণ) (সংশোধন) আইন, ২০১৩ নামে অভিহিত হইবে।

(২) ইহা অবিলম্বে কার্যকর হইবে।

২। ২০০৫ সনের ১১ নং আইন এর ধারা ২ এর সংশোধন।—ধূমপান ও তামাকজাত দ্রব্য  
ব্যবহার (নিয়ন্ত্রণ) আইন, ২০০৫ (২০০৫ সনের ১১ নং আইন), অতঃপর উক্ত আইন বলিয়া  
উল্লিখিত, এর ধারা ২ এর—

(ক) দফা (ক), (খ) ও (গ) এর পরিবর্তে নিম্নরূপ দফা (ক), (খ) ও (গ) প্রতিস্থাপিত হইবে,  
যথা :—

“(ক) “কর্তৃপক্ষ কর্মকর্তা” অর্থ উপজেলা নির্বাহী কর্মকর্তা বা উপজেলা স্বাস্থ্য ও পরিবার  
পরিকল্পনা কর্মকর্তা বা তাঁহার সমমানের বা তদুর্ধৰ পদমর্যাদার স্বাস্থ্য অধিদপ্তরের  
কোন কর্মকর্তা এবং এতদ্সংশ্লিষ্ট দায়িত্বপালনের জন্য কোন আইনের অধীন, বা  
সরকার কর্তৃক সরকারি গেজেট প্রজ্ঞাপন দ্বারা, ক্ষমতাপ্রাপ্ত যে কোন বা সকল  
কর্মকর্তাও ইহার অন্তর্ভুক্ত হইবে;

- (খ) “তামাক” অর্থ কোন নিকোটিন টাবাকাম বা নিকোটিন রাস্টিকার শ্রেণিতে থাকা বা একদসম্পর্কিত অন্য কোন উচ্চাদের কোন পাতা বা ফসল, শিকড়, বা উহার কোন অংশ বা অংশ বিশেষ;
- (গ) “তামাকজাত দ্রব্য” অর্থ তামাক, তামাক পাতা বা উহার নির্যাস হইতে থাকা কোন দ্রব্য, যাহা চোয়ণ বা চিবানোর মাধ্যমে গ্রহণ করা যায় বা দূমপানের মাধ্যমে শাসের সহিত টানিয়া লওয়া যায় এবং বিড়ি, সিগারেট, চুরুট, গুল, জর্দা, সাদাপাতা, সিগার এবং ছক্কা বা পাইপের ব্যবহার্য মিশ্রণও (mixture) ইহার মধ্যে হইবে;”

(খ) দফা (চ) এর পরিবর্তে নিম্নরূপ দফা (চ) প্রতিস্থাপিত হইবে, যথা :—

“(চ) “পাবলিক প্লেস” অর্থ শিক্ষা প্রতিষ্ঠান, সরকারি অফিস, আধা-সরকারি অফিস স্বায়ভাসিত অফিস ও বেসরকারি অফিস, গ্রাম্যাগার, লিফট, আচ্ছাদিত কর্মসূচী (indoor work place), হাসপাতাল ও ক্লিনিক ভবন, আদালত ভবন, বিভাগীকৃত ভবন, সমুদ্রবন্দর ভবন, নৌ-বন্দর ভবন, রেলওয়ে স্টেশন ভবন, বাস টার্মিনাল ভবন, প্রেক্ষাগৃহ, প্রদর্শনী কেন্দ্র, থিয়েটার হল, বিপণী ভবন, চতুর্দিকে দেয়াল দ্বারা ঘেঁষে রেস্টুরেন্ট, পাবলিক ট্যালেট, শিশুপার্ক, মেলা বা পাবলিক পরিবহনে আয়োজিত জন্য যাত্রীদের অপেক্ষার জন্য নির্দিষ্ট সারি, জনসাধারণ কর্তৃক সম্মিলিতভাবে দ্বারা অন্য কোন স্থান অথবা সরকার বা স্থানীয় সরকার প্রতিষ্ঠান কর্তৃক, সাধারণ বাবিল আদেশ দ্বারা, সময় সময় ঘোষিত অন্য যে কোন বা সকল স্থান;”;

(গ) দফা (ঝ) এর পরিবর্তে নিম্নরূপ দফা (ঝ) প্রতিস্থাপিত হইবে, যথা :—

“(ঝ) “ব্যক্তি” অর্থে কোম্পানী, সমিতি, সংস্থা বা ব্যক্তি সমষ্টি, সংবিধিবদ্ধ হউক বা হউক, তামাকজাত দ্রব্য উৎপাদনকারী বা পরিবেশনকারীও অন্তর্ভুক্ত হইবে।”।

৩। ২০০৫ সনের ১১ নং আইন এর ধারা ৩ এর সংশোধন।—উক্ত আইনের ধারা ১। উল্লিখিত “the Juvenile Smoking Act, 1919 (Ben. Act II of 1919)” শব্দগুলি, সংখ্যাগুলি ও বক্রনীগুলি বিলুপ্ত হইবে এবং “রাজশাহী মহানগরী পুলিশ আইন, (১৯৯২ সনের ২৫ অক্টোবর আইন)” শব্দগুলি, কমা, সংখ্যাগুলি ও বক্রনীগুলির পর, “সিলেট মহানগরী পুলিশ আইন, ২০০৯ (২০০৯ সনের ২৩ নং আইন), বরিশাল মহানগরী পুলিশ আইন, ২০০৯ (২০০৯ সনের ২৪ অক্টোবর আইন)” কমাগুলি, শব্দগুলি, সংখ্যাগুলি এবং বক্রনীগুলি সম্মিলিত হইবে।

৪। ২০০৫ সনের ১১ নং আইন এর ধারা ৪ এর সংশোধন।—উক্ত আইনের ধারা ৪ এর ধারা (২) এর পরিবর্তে নিম্নরূপ উপ-ধারা (২) প্রতিস্থাপিত হইবে, যথা :—

“(২) কোন ব্যক্তি উপ-ধারা (১) এর বিধান লঙ্ঘন করিলে তিনি অনধিক তিনিশত টাঙ্ক অর্থদণ্ডে দণ্ডনীয় হইবেন এবং উক্ত ব্যক্তি দ্বিতীয়বার বা পুনঃ পুনঃ একই ক্ষেত্রে অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ডনীয় হইবেন।”

৫। ২০০৫ সনের ১১ নং আইন এর ধারা ৫ এর প্রতিস্থাপন।—উক্ত আইনের ধারা ৫ এর পরিবর্তে নিম্নরূপ ধারা ৫ প্রতিস্থাপিত হইবে, যথা :—

“৫। তামাকজাত দ্রব্যের বিজ্ঞাপন ও প্রচারণা নিষিদ্ধ এবং পৃষ্ঠপোষকতা নিয়ন্ত্রণ সম্পর্কিত  
বিধান।—(১) কোনো ব্যক্তি—

- (ক) প্রিন্ট বা ইলেক্ট্রনিক মিডিয়ায়, বাংলাদেশে প্রকাশিত কোন বই, লিফলেট, হ্যাভিল, পোস্টার, ছাপানো কাগজ, বিলবোর্ড বা সাইনবোর্ড বা অন্য কোন ভাবে তামাকজাত দ্রব্যের বিজ্ঞাপন প্রচার করিবেন না বা করাইবেন না;
- (খ) তামাকজাত দ্রব্য ক্রয়ে প্রলুক্তকরণের উদ্দেশ্যে, উহার কোন নমুনা, বিনামূল্যে বা শ্বলমূল্যে, জনসাধারণকে প্রদান বা প্রদানের প্রস্তাব করিবেন না বা করাইবেন না;
- (গ) তামাকজাত দ্রব্যের বিজ্ঞাপন প্রচার বা উহার ব্যবহার উৎসাহিত করিবার উদ্দেশ্যে, কোন দান, পুরস্কার, বৃত্তি প্রদান, বা কোন অনুষ্ঠানের ব্যয়ভার (sponsor) বহন করিবেন না বা করাইবেন না;
- (ঘ) কোন প্রেক্ষাগৃহে, প্রিন্ট ও ইলেক্ট্রনিক মিডিয়ায় বা ওয়েব পেজে তামাক বা তামাকজাত দ্রব্য সম্পর্কিত কোনো বিজ্ঞাপন প্রচার করিবেন না বা করাইবেন না;
- (ঙ) বাংলাদেশে প্রস্তুতকৃত বা লভ্য ও প্রচারিত, বিদেশে প্রস্তুতকৃত কোন সিনেমা, নাটক বা প্রামাণ্য চিত্রে তামাকজাত দ্রব্য ব্যবহারের দৃশ্য টেলিভিশন, রেডিও, ইন্টারনেট, মধ্য অনুষ্ঠান বা অন্য কোন গণমাধ্যমে প্রচার, প্রদর্শন বা বর্ণনা করিবেন না বা করাইবেন না :

তবে শর্ত থাকে যে, কোন সিনেমার কাহিনীর প্রয়োজনে অত্যাবশ্যক হইলে তামাকজাত দ্রব্য ব্যবহার দৃশ্য রাখিয়াছে এইরূপ কোন সিনেমা প্রদর্শনকালে তামাকজাত দ্রব্য ব্যবহারের ক্ষতিকর প্রভাব সম্পর্কে লিখিত সতর্কবাণী, বিধি দ্বারা নির্ধারিত পদ্ধতিতে, পর্দায় প্রদর্শনপূর্বক উহা প্রদর্শন করা যাইবে;

- (চ) তামাকজাত দ্রব্যের মোড়ক, প্যাকেট বা কোটার অনুরূপ বা সাদৃশ্য অন্য কোন দ্রব্য বা পণ্যের মোড়ক, প্যাকেট বা কোটার উৎপাদন, বিক্রয় বা বিতরণ করিবেন না বা করাইবেন না;
- (ছ) তামাকজাত দ্রব্যের বিক্রয়স্থলে (point of sales) যে কোন উপায়ে তামাকজাত দ্রব্যের বিজ্ঞাপন প্রচার করিবেন না বা করাইবেন না।

**ব্যাখ্যা**—উপ-ধারা (১) এর উদ্দেশ্য পূরণকালে, “তামাকজাত দ্রব্যের বিজ্ঞাপন প্রচার” অর্থ প্রত্যক্ষ বা পরোক্ষভাবে কোনো তামাকজাত দ্রব্য বা তামাকের ব্যবহার প্রবর্ধনের উদ্দেশ্যে যে কোনো ধরনের বাণিজ্যিক কার্যক্রম পরিচালনা করা।

- (২) উপ-ধারা (১) এর দফা (ঙ) এর কোন কিছুই তামাক বিরোধী স্বাস্থ্য শিক্ষা বিষয়ক প্রচারণার ক্ষেত্রে প্রযোজ্য হইবে না।

- (৩) কোন ব্যক্তি সামাজিক দায়বদ্ধতা কর্মসূচীর (Corporate Social Responsibility) অংশ হিসেবে সামাজিক কর্মকাণ্ডে অংশগ্রহণ করিলে বা উক্ত কর্মকাণ্ড বাবদ বাস্তু অর্থ প্রদানের ফেত্রে কোন তামাক বা তামাকজাত দ্রব্যের উৎপাদনকারী প্রতিষ্ঠানের নাম, সাইন, ট্রেডমার্ক, প্রতীক ব্যবহার করিবে না বা করাইবে না অথবা উহা ব্যবহার অন্য কোন ব্যক্তিকে উৎসাহ প্রদান করিবেন না।
- (৪) কোন ব্যক্তি এই ধারার বিধান লজ্জন করিলে তিনি অনুর্ধ্ব তিন মাস বিনাশ্রম কারাদণ্ড বা অনধিক এক লক্ষ টাকা অর্থদণ্ড বা উভয় দণ্ডে দণ্ডনীয় হইবে এবং উক্ত ব্যক্তি দ্বিতীয়বার বা পুনঃ পুনঃ একই ধরনের অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ডনীয় হইবেন।”।

৬। ২০০৫ সনের ১১ নং আইন এর ধারা ৬ এর সংশোধন।—উক্ত আইনের ধারা ৬ এর পরিবর্তে নিম্নরূপ ধারা ৬ প্রতিস্থাপিত হইবে, যথা :—

“৬। অটোমেটিক ভেঙ্গিং মেশিন স্থাপন নিষিদ্ধ।—(১) কোন ব্যক্তি কোন স্থানে তামাকজাত দ্রব্য বিক্রয়ের জন্য অটোমেটিক ভেঙ্গিং মেশিন স্থাপন করিতে পারিবেন না।

(২) কোন ব্যক্তি এই ধারার বিধান লজ্জন করিয়া কোন স্থানে তামাকজাত দ্রব্য বিক্রয়ের জন্য অটোমেটিক ভেঙ্গিং মেশিন স্থাপন করিলে তিনি অনুর্ধ্ব তিন মাস বিনাশ্রম কারাদণ্ড বা অনধিক এক লক্ষ টাকা অর্থদণ্ড বা উভয় দণ্ডে দণ্ডনীয় হইবেন এবং উক্ত ব্যক্তি দ্বিতীয়বার বা পুনঃ পুনঃ একই ধরনের অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ডনীয় হইবেন।”।

৭। ২০০৫ সনের ১১ নং আইন এ নৃতন ধারা ৬ক এর সন্নিবেশ।—উক্ত আইনের ধারা ৬ এর পর নিম্নরূপ নৃতন ধারা ৬ক সন্নিবেশিত হইবে, যথা :—

“৬ক। অপ্রাপ্ত বয়স্ক ব্যক্তির নিকট তামাক বা তামাকজাত দ্রব্য বিক্রয় নিষিদ্ধ ইত্যাদি।—(১) কোন ব্যক্তি অনধিক আঠারো বৎসর বয়সের কোন ব্যক্তির নিকট তামাক বা তামাকজাত দ্রব্য বিক্রয় করিবেন না, অথবা উক্ত ব্যক্তিকে তামাক বা তামাকজাত দ্রব্য বিপণন বা বিতরণ কাজে নিয়োজিত করিবেন না বা করাইবেন না।

(২) কোন ব্যক্তি উপ-ধারা (১) এর বিধান লজ্জন করিলে তিনি অনধিক পাঁচ হাজার টাকা অর্থদণ্ডে দণ্ডনীয় হইবেন এবং উক্ত ব্যক্তি দ্বিতীয়বার বা পুনঃ পুনঃ একই ধরনের অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ডনীয় হইবেন।”।

৮। ২০০৫ সনের ১১ নং আইন এ নৃতন ধারা ৭ক এর সন্নিবেশ।—উক্ত আইনের ধারা ৭ এর পর নিম্নরূপ নৃতন ধারা ৭ক সন্নিবেশিত হইবে, যথা :—

“৭ক। পাবলিক প্লেস বা পাবলিক পরিবহনের মালিক, ইত্যাদির দায়িত্ব।—(১) এই আইনের উদ্দেশ্য পূরণকল্পে, প্রত্যেক পাবলিক প্লেস বা পাবলিক পরিবহনের মালিক তত্ত্বাবধায়ক, নিয়ন্ত্রণকারী ব্যক্তি বা ব্যবস্থাপক বিধি দ্বারা নির্ধারিত দায়িত্ব পালন করিবেন।

(২) উপ-ধারা (১) এর অধীন প্রণীত বিধির বিধান লজ্জন করিলে তিনি অনধিক পাঁচটাকা অর্থদণ্ডে দণ্ডনীয় হইবেন।”।

৯। ২০০৫ সনের ১১ আইন এর ধারা ৮ এর সংশোধন।—উক্ত আইনের ধারা ৮ এর বিদ্যমান বিধান উপ-ধারা (১) রূপে সংখ্যায়িত হইবে এবং অতঃপর উক্তরূপ সংখ্যায়িত উপ-ধারা (১) এর পর নিম্নরূপ উপ-ধারা (২) সংযোজিত হইবে, যথা :—

“(২) কোন পাবলিক প্লেস বা পাবলিক পরিবহনের মালিক, তস্ত্বাবধায়ক বা নিয়ন্ত্রণকারী ব্যক্তি বা ব্যবস্থাপক উপ-ধারা (১) এর বিধান লঙ্ঘন করিলে তিনি অনধিক এক হাজার টাকা অর্থদণ্ডে দণ্ডনীয় হইবেন এবং উক্ত ব্যক্তি দ্বিতীয়বার বা পুনঃ পুনঃ একই ঘরণের অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ডনীয় হইবেন।”।

১০। ২০০৫ সনের ১১ আইন এ ধারা ১০ এর প্রতিস্থাপন।—উক্ত আইনের ধারা ১০ এর পরিবর্তে নিম্নরূপ ধারা ১০ প্রতিস্থাপিত হইবে, যথা :—

“১০। তামাকজাত দ্রব্যের প্যাকেটে স্বাস্থ্য ও অন্যান্য ক্ষতি সম্পর্কিত সচিব সতর্কবাণী মুদ্রণ, ইত্যাদি।—(১) তামাকজাত দ্রব্যের প্যাকেট, মোড়ক, কার্টন বা কোটায় উভয় পার্শ্বে মূল প্রদর্শনী তল বা যে সকল প্যাকেটে দুইটি প্রধান পার্শ্বদেশ নাই সেই সকল প্যাকেটের মূল প্রদর্শনী তলের উপরিভাগে অন্যন্য শতকরা পঞ্চাশ ভাগ পরিমাণ স্থান জুড়িয়া তামাকজাত দ্রব্যের ব্যবহারের কারণে সৃষ্টি ক্ষতি সম্পর্কে, রঙিন ছবি ও লেখা সম্বলিত, স্বাস্থ্য সম্পর্কিত সতর্কবাণী, বিধি দ্বারা নির্ধারিত পদ্ধতিতে, বাংলায় মুদ্রণ করিতে হইবে।

(২) তামাকজাত দ্রব্যের প্যাকেট, মোড়ক, কার্টন বা কোটায় নিম্নবর্ণিত সচিব সতর্কবাণী মুদ্রণ করিতে হইবে, যথা :—

(ক) ধূমপানে ব্যবহৃত তামাকজাত দ্রব্যের ক্ষেত্রে:—

- (অ) ধূমপানের কারণে গলায় ও ফুসফুসে ক্যান্সার হয়;
- (আ) ধূমপানের কারণে শ্বাস-প্রশ্বাসের সমস্যা হয়;
- (ই) ধূমপানের কারণে স্ট্রোক হয়;
- (ঈ) ধূমপানের কারণে হৃদরোগ হয়;
- (উ) পরোক্ষ ধূমপানের কারণে গর্ভের সন্তানের ক্ষতি হয়;
- (উ) ধূমপানের কারণে গর্ভের সন্তানের ক্ষতি হয়;

(খ) ধোয়াবিহীন তামাকজাত দ্রব্যের ক্ষেত্রে:—

- (অ) তামাকজাত দ্রব্য সেবনে মুখে ও গলায় ক্যান্সার হয়;
- (আ) তামাকজাত দ্রব্য সেবনে গর্ভের সন্তানের ক্ষতি হয়;

(গ) বিধি দ্বারা নির্ধারিত অন্য কোন সতর্কবাণী।

(৩) বাংলাদেশে বিক্রিত তামাকজাত দ্রব্যের সকল প্যাকেট, মোড়ক, কার্টন ও কেবি নেকে “গুরুমাত্র বাংলাদেশে বিক্রয়ের জন্য অনুমোদিত” মর্মে একটি বিবৃতি মুদ্রিত না থাকলে বাংলাদেশে কোনো তামাকজাত দ্রব্য বিক্রয় করা যাইবে না।

(৪) জনস্বাস্থ্যের উপর প্রভাব ও বৌকি সম্পর্কে একটি ভাস্তু ধারণা তৈরির উদ্দেশ্যে, তামাকজাত দ্রব্যের প্যাকেট, কার্টন, কোটা বা মোড়কে ব্র্যান্ড এলিমেন্ট (যেমন—লাইট, মাইল, লো-টার, এস্টেল, আল্ট্রা শব্দ) ব্যবহার করা যাইবে না।

(৫) উপ-ধারা (২) এ উল্লিখিত সচিত্র সতর্কবাণী এবং উপ-ধারা (৩) এ উল্লিখিত দ্রব্যের প্যাকেট, মোড়ক, কার্টন ও কোটায় মুদ্রণ পদ্ধতি বিধি দ্বারা নির্ধারিত হচ্ছে।

(৬) কোন ব্যক্তি এই ধারার বিধান লঙ্ঘন করিলে তিনি অনুর্ধ্ব ছয় মাস বিমাশ্রম কারাদণ্ড অনধিক দুই লক্ষ টাকা অর্থদণ্ড বা উভয় দণ্ডে দণ্ডনীয় হইবেন এবং উক্ত ব্যক্তি দ্বিতীয়বার বা পুনরুৎসবে একই ধরনের অপরাধ সংঘটন করিলে তিনি পর্যায়ক্রমিকভাবে উক্ত দণ্ডের দ্বিগুণ হারে দণ্ড হইবে।

১১। ২০০৫ সনের ১১ নং আইন এ ধারা ১২ এর প্রতিস্থাপন।—উক্ত আইনের ধারা ১১ পরিবর্তে নিম্নরূপ ধারা ১২ প্রতিস্থাপিত হইবে, যথা:—

“১২। তামাক ও তামাক জাতীয় ফসল উৎপাদন ও ব্যবহার নিরুৎসাহিতকরণ, তামাকজাত দ্রব্য উৎপাদন ও উহার ব্যবহার ক্রমাগত নিরুৎসাহিত করিবার জন্য উন্নৰ্ম্ম তামাকজাত সামগ্রীর শিল্প স্থাপন, তামাক জাতীয় ফসল উৎপাদন ও চাম নিরুৎসাহিত করিবার লক্ষ্যে সরকার প্রয়োজনীয় নীতিমালা প্রণয়ন করিতে পারিবে।”।

১২। ২০০৫ সনের ১১ নং আইন এ ধারা ১৫ এর সংশোধন।—উক্ত আইনের ধারা ১৫ এর বিদ্যমান বিধান উপ-ধারা (১) রূপে সংখ্যায়িত হইবে এবং অতঃপর উক্তরূপ সংখ্যায়িত উপ-ধারা (১) এরপর নিম্নরূপ উপ-ধারা (২) সংযোজিত হইবে, যথা:—

“(২) উপ-ধারা (১) এ উল্লিখিত কোম্পানী কোন আইনগত ব্যক্তিসমূহ বিশিষ্ট সংস্থা (Body Corporate) হইলে, উক্ত উপ-ধারায় উল্লিখিত ব্যক্তিকে অভিযুক্ত ও দোষী করা ছাড়াও কোম্পানীকে আলাদাভাবে একই কার্যধারায় অভিযুক্ত ও দোষী সাব্যস্ত করা যাইবে, তবে ফৌজদার মামলায় উহার উপর সংশ্লিষ্ট বিধান অনুসারে শুধু অর্থদণ্ড আরোপ করা যাইবে।”।

১৩। ২০০৫ সনের ১১ নং আইনে নৃতন ধারা ১৫ক এর সংযোজন।—উক্ত আইনের ধারা ১৫ এর পর নিম্নরূপ নৃতন ধারা ১৫ক সন্নিবেশিত হইবে, যথা :—

“১৫ক। জাতীয় তামাক নিয়ন্ত্রণ সেল গঠন, ইত্যাদি।—(১) এই আইনের সুষ্ঠু বাস্তবায়ন তামাক নিয়ন্ত্রণ কার্যক্রম পরিবীক্ষণ, গবেষণা এবং এ সংক্রান্ত অন্যান্য কার্যক্রম সম্পাদন উদ্দেশ্যে স্বাস্থ্য ও পরিবার কল্যাণ মন্ত্রণালয় এর অধীন “জাতীয় তামাক নিয়ন্ত্রণ সেল” নামে একটি সেল থাকিবে।

(২) উক্ত সেলের গঠন, ক্ষমতা ও কার্যবলী বিধি দ্বারা নির্ধারিত হইবে।”।

১৪। ২০০৫ সনের ১১ নং আইনে ধারা ১৮ এর সংশোধন।—উক্ত আইনের ধারা ১৮ এর  
বিদ্যমান দফা (ক) দফা (কক) রূপে পুনঃসংখ্যায়িত হইবে এবং অতঃপর উক্তরূপ পুনঃসংখ্যায়িত  
দফা (কক) এর পূর্বে নিম্নরূপ দফা (ক) সম্বিশিত হইবে, যথা :—

“(ক) The Juvenile Smoking Act, 1919 (Ben. Act, II of 1919);”।

মোঃ মাহফুজুর রহমান  
সচিব।